

Ovaj statut je dogovoren u Mostaru 2012. godine i ne odgovara statutu kojim je Savez registriran u Federalnom ministarstvu pravde u Sarajevu

**SAVEZ UDRUŽENJA/UDRUGA DIJABETIČARA  
FEDERACIJE BOSNE I HERCEGOVINE**

Na osnovu člana 11. , 12. , i 14. Zakona o udruženjima i fondacijama ( „Službene novine Federacije BiH“ , broj:45/02.) i člana 11. Statuta Saveza Udruženja/Udruga Dijabetičara F BiH, na Osnivačkoj Skupštini, održanoj dana,18.11.2012.godine u Mostaru,Skupština Saveza Udruženja/Udruga Dijabetičara F BiH usvojila je :

**S T A T U T**  
**SAVEZA UDRUŽENJA/UDRUGA DIJABETIČARA**  
**FEDERACIJE BOSNE I HERCEGOVINE**

**I. OSNOVNE ODREDBE**

**Član 1.**

Ovim Statutom, u skladu sa Zakonom o udruženjima i fondacijama, uređuje se: naziv, sjedište, područje djelovanja, ciljevi i zadaci Saveza, organi Saveza, članstvo u Savezu, prava i obaveze,udruživanje u dr.organizacije, finansiranje Saveza, javnost rada i druga pitanja od značaja za rad Saveza Udruženja/Udruga Dijabetičara F BiH.

**Član 2.**

Naziv Saveza je : SAVEZ UDRUŽENJA/UDRUGA DIJABETIČARA FEDERACIJE BOSNE I HERCEGOVINE ( u daljem tekstu Savez).

**Član 3.**

Sjedište Saveza je u Sarajevu, ulica Čemalovića 1/A, zgrada Sarajev. Područje na kome djeluje Savez je Federacija BiH.

#### **Član 4.**

Savez je pravno lice sa pravima, obavezama i odgovornostima koje proizilaze iz Zakona i ovog Statuta.

#### **Član 5.**

Pečat Saveza je okruglog oblika, prečnika 30 mm. Na obodu kružnice ispisan je tekst latinicom : SAVEZ UDRUŽENJA/UDRUGA DIJABETIČARA F BiH. U sredini je krug na obodu kruga je 10 zvjezdica.

#### **Član 6.**

Savez zastupa i predstavlja Predsjednik Saveza i Generalni sekretar, ili osoba, član Upravnog odbora kojeg ovlasti Predsjednik.

## **II. SVRHA I PROGRAMSKI CILJEVI SAVEZA**

#### **Član 7.**

Savez je nastao dobrovoljnim udruživanjem Udruženja/Udruga dijabetičara u F BiH, koji su iskazali interes da na organiziran način djeluju u borbi protiv dijabetesa.

#### **Član 8.**

Ciljevi Saveza su : da okupljanju oboljele od dijabetesa, promovirati znanja o dijabetesu i prevenciji i liječenju dijabetesa u F BiH.

U svrhu ostvarivanja ciljeva Savez će svoje aktivnosti usmjeriti na :

- Prikupljanje i obradu podataka o oboljelim od dijabetesa na prostoru Federacije BiH,
- Izradu baze podataka o oboljelim, načinu liječenja i praćenju protokola zdravstvene zaštite,
- Analiziranje kvalitete zdravstvene zaštite i kvaliteta življenja lica oboljelih od dijabetesa na području Federacije BiH,

- Saradnju sa zdravstvenim profesionalcima i njihovim udruženjima koji se bave liječenjem dijabetesa u Federaciji BiH,
- Poticanjem preventivnih mjera za suzbijanje oboljenja i sprečavanja nastanka kasnijih komplikacija prouzrokovanih dijabetesom,
- Saradnju sa domaćim i međunarodnim institucijama u cilju poboljšanja zdravstvene zaštite i kvaliteta življenja oboljelih od dijabetesa,
- Zalaganje za aktivno sudjelovanje u svim oblicima promoviranja ljudskih prava,
- Pomoć pri rješavanju prava i statusa članova Saveza,
- Razvijanje ekološke svijesti članova Saveza i građana,
- Isticanja važnosti tjelesne kulture, sporta i rekreacije u svrhu poboljšanja zdravstvenog stanja oboljelih,
- Pokretanje aktivnosti na proširenju saznanja o dijabetesu kroz okrugle stolove, radionice, predavanja i sl. ,
- Organiziranje Udruženja oboljelih od dijabetesa u svakoj Općini u Federaciji BiH.

### III. ORGANI SAVEZA

#### Član 9.

Organi Saveza su : Skupština, Upravi odbor, Nadzorni odbor.

#### Član 10.

Skupština je najviši organ Saveza. Skupštinu čini 35 članova, odnosno 3 člana iz svakog Kantonalnog saveza, a 5 preostalih članova imenuje Upravni odbor Saveza Udruženja/Udruga Dijabetičara F BiH, radi povećanja kvaliteta rada Skupštine.

Skupština se održava prema potrebi, a obavezno jedanput godišnje.

Skupština donosi odluke većinom glasova prisutnih delegata. Glasanje u Skupštini je javno, osim ako se odluči za drugačiji način glasanja. Skup radi ako je prisutna nadpolovična većina delegata, a odluke donosi većinom glasova prisutnih. Kantonalne Skupštine ili po potrebi Upravni odbor Kantonalne Skupštine može zamjeniti neaktivne članove i delegate drugima.

#### Član 11.

Skupština obavlja slijedeće poslove :

- Donosi, mijenja i dopunjava Statut Saveza,

- Donosi Poslovnik o svom radu i dr.opća akta,
- Razmatra i donosi Program rada, finansijski plan i izvještaj o njegovoj realizaciji,
- Bira članove Upravnog odbora, Nadzornog odbora, Predsjednika i Podpredsjednika Upravnog odbora i Generalnog sekretara i dr.komisije po potrebi,
- Bira Predsjednika Skupštine i njegovog zamjenika,
- Usvaja završni račun Saveza,
- Imenuje počasne članove i donosi odluke o priznanjima.

## Član 12.

Upravni odbor Saveza sastoji se od 11 ( jedanaest) članova,odnosno po jedan iz svakog Kantonalnog saveza, a dva člana iz Kantona Sarajevo.

Upravni odbor obavlja slijedeće poslove :

- Priprema sjednice i sprovodi u djelo odluke i zaključke Skupštine,
- Priprema prijedloge Programa rada, finansijske planove, izvještaje i dr.akte,
- Donosi odluke o utrošku finansijskih sredstava za pojedine namjere,
- Utvrđuje prijedlog članova Saveza i drugih organa i organizacija sa kojima saraduje,
- Rješava molbe i žalbe članova Saveza i vrši druge poslove iz svoje nadležnosti,
- Bira sekretara i blagajnika kao tehnička lica,
- Upravni odbor između dvije Skupštine donosi odluke u ime Skupštine, a iste na prvoj sjednici mora verificirati Skupština,
- Predsjednik priprema, saziva i rukovodi sjednicom UO,
- Predstavlja Savez,
- Podpredsjednik zamjenjuje Predsjednika u njegovoj odsutnosti,
- Generalni sekretar je generalni sekretar Skupštine i Upravnog odbora,
- Generalni sekretar se stara o provođenju odluka Skupštine i Upravnog odbora i odgovoran je za materijalno-financijsko poslovanje ,kao i za administrativno poslovanje , po Zakonu i Statutu, i predstavlja Savez Udruženja/Udruga Dijabetičara Federacije BiH.

## Član 13.

Nadzorni odbor vrši kontrolu poslovanja i utroška novčanih sredstava i materijalnih dobara.Odbor ima 3 (tri) člana, a konstituisanje se vrši odmah po izboru.Između sebe članovi odbora biraju predsjedavajućeg.Mandat članova Nadzornog odbora traje 4 godine.

Odbor može poslove iz svoje nadležnosti vršiti u svako doba, a najmanje jednom godišnje i tom prilikom moraju im se staviti na raspolaganje sva potrebna dokumenta i pružiti potrebna pomoću radu.Nadzorni odbor obavezno obavještava Skupštinu i Upravni odbor o nalozima nadzora.

#### **Član 14.**

Upravni odbor može formirati stalne ili povremene komisije zavisno od potreba.

#### **Član 15.**

Odluke na sjednicama Saveza, Upravnog odbora i Nadzornog odbora, donose se većinom prisutnih članova.

### **IV. ČLANSTVO U SAVEZU, PRAVA I OBAVEZE**

#### **Član 16.**

Članovi Saveza su Kantonalni savezi dijabetičara, gdje su formirani ili Samostalna Udruženja dijabetičara, gdje nema Kantonalnog saveza.

#### **Član 17.**

Članarina u Savezu iznosi 5 % od članarina prikupljenih u matičnim članicama Saveza.

Prava članova su :

- Da biraju i budu birani u organe Saveza,
- Da učestvuju u realizaciji programa rada Saveza,
- Da neposredno ili posredno razmatraju ili daju ocjene o radu svih organa Saveza,
- Da budu blagovremeno informirani o radu organa Saveza i o svim bitnim promjenama značajnim za oboljele od šećerne bolesti,
- Da traže pomoć i podršku Saveza u rješavanju povlastica koje Savez može da ostvaruje neposredno ili preko dr.organa i institucija u vezi sa liječenjem šećerne bolesti.

#### **Član 18.**

Dužnosti članova su :

- Da rade na ostvarenju Programa rada Saveza,
- Da se pridržavaju Statuta i dr.normativnih akata i odluka organa Saveza,
- Da se svestrano zalažu za očuvanje ugleda i afirmacije Saveza,

- Da, izuzev počasnih članova, redovno plaćaju članarinu.

#### **Član 19.**

Članstvo u Savezu prestaje odlukom Skupštine Kantonalnog Saveza.

#### **Član 20.**

Članica Saveza može biti isključena u slijedećim slučajevima :

- Zbog neplaćanja članarine,
- Zbog grube povrede odredaba Statuta,
- Ako svojim radom i ponašanjem ugrožava jedinstvo i cjelinu Saveza, i ako ometa izvršavanje zadataka iz Programa rada Saveza,
- Ako svojim ponašanjem krši etičke norme i nanosi štetu ili ugrožava ugled Saveza,
- Na prijedlog Upravnog odbora odluke o isključenju donosi Skupština Saveza.

### **V. UDRUŽIVANJE U DRUGE ORGANIZACIJE**

#### **Član 21.**

Radi ostvarivanja zajedničkih ciljeva i zadataka u aktivnostima zaštite dijabetičara Savez se može udruživati na Međunarodnom nivou i nivou BiH.

#### **Član 22.**

Odluku o udruživanju donosi Upravi odbor, većinom glasova istog.

### **VI. MATERIJALNO FINANSIJSKA SREDSTVA I POSLOVANJE**

#### **Član 23.**

Poslovanje Saveza se vrši na osnovu pozitivnih propisa, Statuta, Programa rada, finansijskog plana i odluka Skupštine i Upravnog odbora. Predsjednik i generalni sekretar UO su

naredbodavci u realizaciji finansijskog plana, koji su ujedno i potpisnici računa Saveza Udruženja/Udruga Dijabetičara F BiH.

#### **Član 24.**

Za obavljanje djelatnosti Saveza obezbjeđuje sredstva iz slijedećih izvora :

- Članarine,
- Dotacija i doprinosa društvenih organizacija, ineresnih,radnih i dr.zajednica,
- Sredstava Budžeta,
- Pomoći preduzeća radnih i dr.djelatnosti,
- Izdavačke djelatnosti,
- Ekonomske propagande,
- Dobrovoljnih priloga i
- Drugih izvora koja se ne krše sa Zakonom.

#### **Član 25.**

Savez može formirati fondove za određene namjene i tada donosi poseban pravilnik ili odluke o načinu prikupljanja i angažiranja sredstava.

#### **Član 26.**

Obavljanje administrativnih poslova za potrebe Saveza vrši se u skladu sa odlukama koje posebno donosi Upravi odbor u skladu sa Zakonom, a za iste je odgovoran Generalni sekretar.

### **VII. JAVNOST RADA**

#### **Član 27.**

Rad Saveza,komisija i dr.oblika organiziranja, je javan i transparentan.

#### **Član 28.**

Skupština Saveza, Upravni odbor, Nadzorni odbor dužni su o svom radu informisati članove Saveza i dr.građane zainteresirane za rad Saveza, i to, putem javnog održavanja sjednica i neposrednim informiranjem svakog pojedinca i na dr.način : predavanja, nastupi na radiju i dr.sredstvima javnog informiranja i Biltena, u skladu sa Zakonom i ovim Statutom.

#### **Član 29.**

Svaki nosilac funkcije u Savezu ili odgovorne dužnosti vrši svoju funkciju ili dužnost na osnovu i u okviru Zakona,Statuta i Poslovnika Saveza i datih mu ovlaštenja i osobno je odgovoran za njeno vršenje.

Svaki nosilac funkcije ima pravo podnijeti ostavku uz puno obrazloženje.

### **VIII. PRESTANAK RADA SAVEZA**

#### **Član 30.**

Savez prestaje sa radom :

- Odlukom Skupštine Saveza na prijedlog Upravnog odbora,
- Ako je Savezu zabranjen rad od nadležnih organa društvene zajednice,
- Ako djeluje suprotno odredbama Statuta ili ne ispunjava zadatke radi kojih je osnovano,o čemu odlučuje nadležno Ministarstvo.

### **IX. PRELAZNE I ZAVRŠNE ODREDBE**

#### **Član 31.**

Ovaj Statut stupa na snagu danom usvajanja na sjednici Skupštine Saveza.Izmjene i dopune istog,vrše se po postupku donošenja.Prva redovna Skupština će se održati u roku od 90 dana.

Broj : 018-011/2012.

Mostar, 18.11.2012.godine

PREDSJEDNIK

SKUPŠTINE SAVEZA